

杜詩集注

第二
卷
七
冊



隼家註杜工部詩集卷之十五

明長洲許自昌玄祐甫校

壯遊

大曆元年秋夔州作夢弼曰此篇叙壯年

越還以進士舉不中第遂遊齊趙間凡八九年復歸京師

往者十四五

出遊翰墨場斯文崔魏徒

公自注崔鄭州尚魏豫州

啓以我似班揚七齡思卽壯開口詠鳳凰九齡書大

字有作成一囊性豪業嗜酒嫉惡懷剛腸脫略小時

輩結交皆老蒼飲酣視八極俗物都茫茫東下姑蘇

臺已具浮海航到今有遺恨不得窮扶桑王謝風流

遠闔廬丘墓荒。劒池石壁仄。長洲芰荷香。嵯峨闔門
北。清廟映廻塘。每趨吳泰伯。撫事淚浪浪。枕戈憶勾
踐。渡浙想秦皇。蒸魚聞七首。除道晒要章。越女天下
白。鑑湖五月涼。剡谿蘊秀異。欲罷不能忘。歸帆拂天
姥。中歲貢舊鄉。氣劇屈賈壘。目短曹劉牆。忤下考功
第。獨辭京尹堂。放蕩齊趙間。裘馬頗清狂。春歌叢臺
上。冬獵青丘旁。嘑鷹草櫪林。逐獸雲雪岡。射飛曾縱
輕。引臂落鵝鶩。蘇侯據鞍喜。(公自注)監門忽如攜葛
彊。快意八九年。西歸到咸陽。許與必詞伯。賞遊實賢

王曳裾置醴地。奏賦入明光。天子廢食召羣公會。軒裳脫身無所愛。痛飲信行藏。黑貂寧免弊。斑鬢无稱觴。杜曲晚耆舊。四郊多白楊。坐深鄉黨敬。日覺死生忙。四句甚悲朱門任傾奪。赤族迭罹殃。國馬竭粟食。官雞輸稻粱。舉隅見煩費。引古惜興亡。河朔風塵起。岷山行幸長。兩宮各警蹕。萬里遙相望。崆峒殺氣黑。少海旌旗黃。禹功亦命子。泳鹿親戎行。翠華擁吳嶽。螭虎噉豺狼。爪牙一不中。胡兵更陸梁。大軍載草草。凋瘵滿膏肓。備員竊補衮。憂憤心飛揚。上感九廟焚。下憫

萬民瘡斯時伏青蒲廷諍守御牀君辱敢愛死赫怒
幸無傷聖哲體仁恕寓縣復小康哭廟灰盡中鼻酸
朝未央小臣議論絕老病客殊方鬱鬱苦不展羽翮
困低昂秋風動哀壑碧蕙捐微芳之推避從漁父
濯滄浪榮華敵勲業歲暮有嚴霜吾觀古天子才格
出尋常羣兇逆未定側佇英俊翔文崔魏徒
時崔鄭州魏豫州以公之文似班固揚雄者也姑蘇
吳臺名王謝謂晉王導謝安吳越春云吳王闔廬
死大治丘塚葬之三月白虎居其上號虎丘闔廬
嘗鑄劍曰吳鉤故有劍池長洲苑名廬所遊獵處
也修可曰闔廬立閭門以象天門清廟乃吳大帝孫
扣廟也子皓改葬和號明陵又置吳興郡太守而時

帝祠立寢堂號曰清廟鶴曰蘇州有吳泰伯廟及烏
踐廟洙曰越王勾踐臥則枕戈思有以報吳秦始皇
浮江渡海至錢塘臨浙江上會稽立石刻紀秦德史
刺客傳吳公子光欲殺吳王僚得專諸善待之於是
具酒請王僚使專諸置匕首於魚炙之腹中以進而
刺王僚僚死光自立爲王是爲闔廬朱買臣吳人也
拜爲會稽太守買臣衣故衣懷其印綬步歸郡邸直
上計守邸者少見其綬怪之前引其綬視其印會稽
太守章也守邸驚有頃買臣遂乘傳去會稽聞太守
且至發民除道夢弼曰鏡湖剡溪俱在會稽鄭曰天
姥山名在剡縣南洙曰屈原賈誼也剡字出
漢書賈山傳賈山自下剡上注云剡音摩摩勵也
曹劉謂曹子建劉公幹論語賜之牆也及肩忤下考
功第按唐武德初以考功郎監試貢舉人貞觀以來
以員外郎專掌貢舉至開元中徙貢舉於禮部叢臺
故趙王臺也青丘齊地名夢弼曰阜攬林雲雪岡皆
齊地洙曰晉山簡鎮襄陽每出遊多之習氏池輒醉
而歸時有童兒歌曰山公出何徃徃至高陽池時時

能騎馬倒著白接離舉鞭問葛彊何如并州兒彊家在并州簡愛將也時蘇侯與公同獵故公以葛彊爲比夢弼曰賞遊實賢王謂如與汝陽王璡相善也洙曰楚元王敬禮申公等穆生不嗜酒元王常爲穆生設醴奏賦入明光卽玄宗朝獻太清宮饗廟及郊公獻大禮三賦帝奇之蘇季子不用於秦而黑貂之裘弊潘岳秋興賦斑鬢彪以承弁夢弼曰杜曲在長安公之家也白楊乃墳上之木洙曰楊子解嘲客欲朱丹其轂不知一跌赤吾之族夢弼曰國馬竭粟豆官雞輸稻梁開元太平日久玄宗侈心自恣舞馬衣文采飼以粟豆又五坊有供奉鬪雞又有鬪雞使百姓輸納稻粱以供養雞也洙曰河朔風塵起謂祿山起於河朔岷山行幸長謂玄宗幸蜀兩宮各警蹕謂肅宗卽位靈武修可曰東宮故事天子比大海太子爲少海夏啓嗣禹位伐有扈之罪黃帝與蚩尤戰涿鹿此喻肅宗親征也洙曰翠華天子旌旂之飾也夢弼曰正異云吳岳在扶風下十園云在隴州洙曰瓜牙一不中謂房琯敗于陳濤斜韓曰太軍載草、草、

辛苦貌夢弼曰備員竊補衮公自謂爲左拾遺也宋
巨前漢史丹傳元帝欲易太子丹聞上獨寢直入內
伏青蒲上泣諫注云以青規地曰青蒲王陵面折廷
諍晉衛瓘欲啓廢太子託醉跪帝牀前以手撫牀曰
此座可惜范曄傳主憂臣辱主辱臣死檀弓申生不
敢愛其死夢弼曰公爲拾遺嘗上疏言房琯不宜免
相帝怒詔三司雜問張鎰救之帝遂解今詩云君辱
敢愛死赫怒幸無傷謂此宋曰哭廟灰燼中時天子
收復京師先素服哭廟而後受朝夢弼曰之推避賞
從詩意謂肅宗中興公嘗扈從還京今日客於殊方
如晉侯賞從亡者而介之推不言祿也滄浪水名在
荊州漁父濯滄浪公自況也此詩兩押浪字字雖同
而義則異爾宋曰范蠡佐勾踐破吳後
乘扁舟入海變姓名適齊爲鴟夷子

白帝

白帝城中雲出門白帝城下雨翻盆高江急峽雷霆

鬪古木蒼藤日月昏戎馬不如歸馬逸千家今有百

家存哀哀寡婦誅求盡慟哭秋原何處村

朱曰古來一作翠木

戎馬一作去馬百家一作十家
鶴曰此詩當是指崔旰之亂

雨

萬木雲深隱連山雨未開風扉掩不定水鳥過仍迴

蛟館如鳴杼樵舟豈伐枚清涼破炎毒衰意欲登臺

趙曰風扉謂舟中之扉也亦曰迤異記
南海中有鮫人室水居如魚不廢機織

雨晴

雨晴山不改晴罷峽如新入路休殊俗秋江思殺人

有猿揮淚盡無穴附書頻故國愁眉外長歌欲損神

垂白

垂白馮唐老清秋宋玉悲江喧長少睡樓迴獨移時

多難身何補無家病不辭甘從千日醉未許七哀詩

涿口漢馮唐以孝著為郎中署長事文帝文帝輦過問唐曰父老何自為郎趙曰宋五九辨悲哉秋之為氣也涿曰中山有酒飲者一醉千日曹子建王仲宣張孟陽皆有七哀詩

洞房

趙曰此詩思長安而懷帝闕也

洞房環珮冷玉殿起秋風秦地應新月龍池滿舊宮

繫舟今夜遠清漏往時同

何限言外

萬里黃山北園陵白

露中

語不迫切而意獨至謂此○悲慨滿口然不低

有龍池在焉趙曰按長安志龍池木平地垂拱初因雨水流潦成小池至景龍中彌亘數頃深至數丈常有雲氣或見黃龍按傳云唐帝微行而至黃山蓋右扶風槐里縣有黃山宮

宿昔

天寶中事

宿昔青門裏蓬萊仗數移花驕迎雜樹龍喜出平池

落日留王母微風倚少兒宮中行樂秘少有外人知

猥褻不凡風刺俱有○逸曰青門長安東門也蓬萊殿名趙曰言雜樹之花則如桃李之屬沈約詩春風搖雜樹洙曰柳芳傳信記云天寶中興慶宮小龍常遊於宮垣南溝水中衛青傳衛媼次女少兒

能畫

能畫毛延壽投壺郭舍人每笑一笑復似物皆去

說畫意不俗風而不犯

政化平如水皇因斷若神時時用抵戲

亦未雜風塵

有體有理○洙曰西京雜記杜陵畫工毛延壽善為人形必得其真郭舍人善

投壺以竹為矢不用棘也能激矢令還一矢百餘反

謂之驍每為武帝投壺輒賜金帛修可曰神異傳東

王公與王女投壺投而不接天為之笑開口流光今

電是也洙曰抵戲謂角抵之戲也令兩相當角力

量其技爾容齋三筆云杜詩命意用事旨趣深遠若

隨口一讀往往不能解如能畫詩第三聯頗與前語

不相貫穿然按其古本謂技藝倡優不應蒙人主顧

賜賞接然使化如水恩若神為治大要既無所損則

時或用此輩

亦無害也

鬪雞鵠曰明皇好鬪雞又教舞馬四百蹄及於梨園自教法曲故此詩致感傷之意焉鮑

曰陳鴻東城父老傳云明皇以乙酉生而喜鬪雞兆亂之象也

鬪雞初賜錦舞馬既登牀簾下宮人出樓前御柳長

僊遊終一閔女樂久無香寂寞驪山道清秋草木黃

趙曰明皇好鬪雞有賈昌者以善養雞蒙寵當時爲之歌曰生兒不用識文字鬪雞走馬勝讀書賈家小兒年十三富貴榮華代不如推此則賜錦可知矣深旦明皇嘗令教舞馬四百蹄日之爲某家驕其曲謂之傾杯樂奮首鼓尾無不應節又施三層木牀乘馬於上扞轉如飛命壯士舉馬於榻上安祿山亂馬散洛人間曰承嗣得之一日軍中大饗馬聞樂而舞承嗣以爲妖而殺之容齋三筆云先忠宣公在北方得唐人畫驪山宮殿圖一軸華清宮居山巔殿外垂簾宮人無數穴簾隙而窺一時伶官戲劇品類雜沓皆列于下老杜鬪雞一詩真所謂親見之也

歷歷

歷歷開元事分明在眼前無端賊盜起忽已歲時遷

巫峽西江外秦城北斗邊爲郎從白首臥病數秋天

趙曰長安城謂之北斗城夢符曰漢武故事上至郎署見顏駟問何時爲郎何其老也夢弼曰公爲尚書員外郎故云

洛陽

洛陽昔陷沒胡馬犯潼關天子初愁思都人慘別顏

清笳去宮闕翠蓋出關山故老仍流涕龍髯幸再攀

趙曰天寶十四載祿山陷東京洛陽次年遂陷潼關洙曰翠蓋出關山謂車駕幸蜀也鶴曰龍髯再攀謂

二聖還京時也趙曰黃帝鑄鼎於荆山鼎既成龍垂
胡髯下迎羣臣從上七十餘人餘小臣不得上乃悉
挽龍髯
海拔登

驪山

驪山絕望幸花萼罷登臨地下無朝燭人間有賜金

使人不鼎胡龍去遠銀海鴈飛深萬歲蓬萊日長懸
忍言好

舊羽林

深曰明皇歲幸驪山又嘗於上御建花萼樓
輝樓為諸王宴集之地黃帝鑄鼎荆山下後

世名其處曰鼎湖劉向傳秦始皇葬於驪山之阿下
銅三泉上崇山墳石椁為遊宮人膏為燈燭水銀為
江海黃金為鳧鴈趙曰何遜經孫氏陵詩銀海終無
浪金鳧會不飛洙曰蓬萊殿名羽林星名漢有羽林
軍趙曰謂平時蓬萊殿中之日懸於殿
問今則懸在舊羽林中羽林護陵寢者

提封

提封漢天下萬國尚同心借問懸車守何如儉德臨
時徵俊又入莫慮犬羊侵願戒兵猶火恩加四海深
沫曰漢東方朔傳提封頃畝注謂提舉四方之內總
計其數也趙曰懸車東馬言至險也詩意謂以險爲
守莫若臨之以儉德也易否卦象曰君子以儉德辟
難沫曰莫慮一作草竊左傳衆仲曰兵猶火也弗戢
將自焚

偶題

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗爲

後賢兼舊例歷代各清規法自儒家有心從弱水疲
永懷江左逸多病鄴中奇騷驥皆良馬麒麟帶好兒
車輪徒已斲堂構惜仍虧謾作潛夫論虛傳幼婦碑
緣情慰漂蕩抱疾屢遷移經濟慚長策飛棲假一枝
塵沙傍蜂蠆江峽繞蛟螭蕭瑟唐虞遠聯翩楚漢危
聖朝兼盜賊異俗更喧卑鬱上星辰劍蒼上雲雨池
兩都開幕府萬寓插軍麾南海殘銅柱東風避月支
音書恨烏鵲號怒怪熊羆稼穡分詩興柴荆學土宜
故山迷白閣秋水憶皇陂不敢要佳句愁來賦別離